

上海圖書館未刊古籍稿本



傅熹年題

第四十三冊



上海圖書館藏書



上海圖書館未刊古籍稿本

傅熹年題



第四十三冊

第四十三冊目錄

紅雨樓集不分卷 鼇峰文集不分卷（原裝十二冊）「二」冊四至冊六

冊四

尺牘 一

冊五

尺牘 一五一

冊六

尺牘 三〇五

○寄石雨師

前歲法海寺中。得侍師側。方擬長瞻法席。導我凡愚。
未幾以事往建溪武夷。留滯一載。及還家。而師已移
錫靈峰矣。何雪嶠因緣之慳如是乎。真覺祖風久已
漸滅。至今日末法陵遲。必大德如師。方能振起清規。
重興寶界。么魔為祟。俱已潛形遁跡矣。城居諸僭紳。
仰思洪造。合詞敦請。再主招提。知師不忘覺祖道場。
定欣然肯止也。向賦一律。未及錄呈。茲書側簾奉覽。
庶幾知么一念卷舒。伏祈慈祐不備。四月初六日



歲序易淹。交情日固。承雅贐下。顧林盤生色。感謝記
存。非筆可盡。初冬。唐月如父母垂頤。盤桓兩晝夜。談
及佳集。業已作序。則殺青有日矣。小言交。安敢僭
為看穢耶。鴻便希乞垂教。并惠舊刻一部。蓋曹能始
先生方選國朝詩。而候大篇壓卷。在下正梓及貴郡
名公。幸即寄下。以慰飢渴。後旋草。附謝。不盡。

○答張紹和

歲杪兩得兄書。乃王東里使者携至。命弟改裝。趣末
段。敢不如命。但有一咲語。敬述左在。吾鄉有少年。獨
行山中。遇一老嫗。同坐談洽間。遂用情語挑之。老嫗

大謔少年曰。阿婆毋怒。萬一阿婆有此興。又恠我不
一問也。姬咲而遣之。弟前詩謔少年行徑。今稍更之。
兄宜毋怒耳。蘇州刻名山遊記。計六函。友人周章甫
僅携一部歸。雖未能備。亦有可採處。此中一時真事
也。價不過二金。上下貴鄉有人遊吳。須托之。金陵余
集生中丞。精於禪學。棄家入閩。近覓得候官雪溪古
道場重興。若將終身焉。其品至高。敢以相聞。弟近來
負極乞東老薦書。謁頤使君。東老許而未與。祈一億
通。弟有拙文二十卷。雖不足觀。然欲於未死之年梓
之。上元時節。便到建州。謁此事耳。餘容嗣布。
十月廿三日

○答王東里

別翁臺後。兀然枯坐。方擬為建州游。緣小孫抱病且
篤。不敢出門。今幸無恙。而歲云暮矣。貧生家食弗給。
不得不糊口他方。雅知領使君風雅之宗。不可當吾
世而失之。承許吹噓。日望削牘。務卜上元前後買舟
而行。翁臺不鄙。祈早賜為感。日有塵按臺。頗聞微名。
行事後。即惠隆儀。欣然相接。自揣么庸賤。疊荷
方便者加禮。愈益愧怍耳。段差事。前月撫公駁下再
議。似記得翁臺所請者。文尚寢閑。今得台札。聞明來
春當令本官具呈。必有多曉。諒不終於抹殺也。秣陵

余集生中丞。偶游三山。凡前代名山道場。到處隨喜。
而禪理精微。於世諦澹然。海內現宰官身者。鮮有其
倫。知翁臺素留心佛法。敢私布之。非謾言也。鼓山詩。
閒中命侍史錄教。至望。

丙子十二月廿三日

復許玉史

丁丑

野人疎慢性。若嵇康。每懶脩書問故人。兩度為知己。
求薦。兩削牘奉候興居。乃辱翁丈存念。知文遠寄瑤
函。并貽繡素。裁幅自頂至足。溫涼有裨。佩服明德。何
日可談。客自明州來。荅如陳平若侍御。述翁丈仁風
遠播。士民愛戴。齒牙餘論。都非諛詞。則知彼邦萬姓。

沐德教匪淺矣。平差約弟為普陀之遊。且重与舊知
聚首。然老懶相仍。出門有礙。趙趙未果。茲擬夏初至
西湖。去鄞江僅一衣帶水。或不孤訪戴。當叩法署。一
借慈航而破浪。不敢以口腹累安邑也。按臺應公折
節下交。禮隆情摯。今頃至建州候送。始得度仙霞。泛
錢唐耳。貴後旋草。附謝。以刻筆精并佳。仰祈台教。
臨楮瞻企。

寄師見心大行

幸托比鄰。相與晨夕。為樂未淹。王程孔亟。奉別顏色。
候踰一暮。側聞分校北闈。所得士皆驥黃牝牡之外。
又知奉使河洛。事竣還朝。不日當膺考選。而銓曹格
掖。必虛一席以待。當今明聖在御。圖治維新。正台
丈敷歷樞要之秋。不肖伏在草茅。寔竊光寵。惟是鰲
峰山色。當讓我全收之耳。家兄文郁。去歲舉明經。今
應大廷之試。北趨京華。暮年冀得一毡。稍餬其口。
不敢希望晚達。第銓曹選法。非有勢力者不能前茅。
台丈譽望方隆。言重九鼎。乞賜吹噓。倘得早拜儒官。

省八千里往返之勞。寔荷大德不淺。然非所敢必。亦非所敢強也。惟台丈因時一提挈之。幸莫大焉。草脩候。言不盡意。

寄鄭中書有貢元

客歲奴、把臂而不佞弟病者什也。而兄者什三。地主之情。缺然莫伸。至今用以為歎。歲暮荷華翰存念。恍覩耿光。且聞金陽先生業有部覆。當今聖皇在御。與台丈同升。諸公散歷樞要。指日可俟也。從周家兄累葉。雖叨冠裳。而世守清白。不免食貧。拮据北上之資。若登天然。今勉爾就道。欲早乞一毡。稍餬其口。

不知可得如願否。京師桂薪玉粒。似難久居。惟台文
曲念年誼。一顧盼之。弟亦榮施也。草草脩候。不盡願
言。

荅李公起

去秋李子尹還四明。業附小札奉復。并致謝在杭文
集諸刻。想不浮沉。頃敝鄉鄭次野歸。始達仁丈前年
所寄八行。并湖筆四矢。謝一決野雖同鄉。向未相面。
今方接譚。知其歲往明州貿易。可為魚腹。不似洪喬
薄德耳。王右仲公祖。去歲棘闈竣事後。曾一晤言。匆
匆為別。今方署篆崇安。與武夷君相近。不日當遷擢。

未審不腆閨中尚得借寇君在陳林度書已致元曹
能始近為其太夫人營塋贈言已諾久矣再有便鴻
當寄上也次野行偶草奉候不盡靚懷

雄篇并此先生雅咏政乏為十八娘傳神此譜益增
聲價矣即令印呈不盡觀後

○○與鄭時戎

輒生無寸長。年來過尋台臺式廬召宴雅愛稠饌。
此誼此情銘之肺腑。然海濱久賴長城。無論材官士
卒。有投膠挾纊之恩。即韋布儒紳。無不感念頂戴。乃
鄙省緣慳。竟不能終惜寇君。實旌熊羆。竟指西江。令
人依。有雲樹之嘆。昨承厚貺。下榻不遑謝。未復
晤言。後蒙左顧。又失迎候。歎也如何。知撫院移鎮在
通。台臺當有公務。忙憊未敢以長裾相混。不肖明

春欲扶豫章。雨時伏謁。燄戟之下。或為滕閣。翫
沙之會。罄此積衷耳。草。代躬。仰惟崇。炳。

○荅游勿輟

安仁別歸。又逾五載。歲月易度。人生能不速老哉。近
元蓀令妹至。知仁兄動履清泰。今不須王門曳裾。則
一丘一壑。亦足自怡耳。尊公竹林集。三山僅弟家藏
一冊。珍若拱璧。然尊公佳茗。尚不止此。弟尚憶四十
年前。有句云。下口稱梁。三月盡半生。湖海二毛疎。集
中兩不載也。曹觀察廣蒐名集入選。而弟盡出。今祖
令姊祖先後集。俾之業已殺青矣。今又授以佳咏。則
廣平一門。風雅之盛。吾閩鮮儔。序言客与言之。今曹
公在國溪也。小盼小孫俱能占四聲。不落俗格。附武